

Powšitkowne WOZJEWJENJA

njedzeli, 4. septembra 2016

Dwoje kemše w Róžeńće

Na swjedzenju Marije naroda, štwórtk, 8. septembra, budu w Róžeńće kemše 9 hodź. Wječorna putniksa Boža mša zahaji so w 19.00 hodź.

Změna kemšow w Róžeńće

Njedzeli, 11. septembra, budu kemše w 10.30 hodź. w Róžeńčanskej swjatnicy w němskej rěči – zhromadnje z putnikami Kulowskeje wosady. Budže to jenička Boža přichodnu njedzeli na hnadownym městnje. Kemše w serbskej rěči njebudu.

Lětni koncert Meje z čěskim chórom w Radworju

Chór Meja přeprošuje wšitkich wutrobnje na lětni koncert sobotu, 10. septembra, w 19.30 hodź. do Radworskeho hosćenca „Meja“. Jako hosći su sej Mejenjo swój partnerski chór z Baški přeprosili, z kotrymž wudžeržuja hižo dlěje hač 30 lět přečelske styki. W programje zanjesu Baščenjo a Mejenjo tež woblubowane serbske a česke štučki zhromadnje.

Wulět dekanatneje młodžiny tež z power-čoľmom

Luba młodostna, luby młodostny!

Maš lóšt, po Sakskej Šwicy pućować, z power-čoľmom po Łobju smokać a maš njedzeli, 11. septembra, chwile? Da přizjew so hač do wutory, 6. septembra, w dekanatnym dušepastyrstwje za młodžinu we Worklecach, telefonowe čisło (03 57 96) 9 55 95, abo přez e-mail na Don.Boskowy-dom@t-online.de.

Start do Sakskeje Šwicy budže wokoło 12.00 hodź. Dokładny plan, zwotkel bus w kotrym času pojedže, so wšěm, kotřiž su so přizjewili, po 6. septembrje wosobinsce zdžěli. W 19.00 hodź. čaka na tebe slódna wječer w Haslowje. Přizamknu so reje w Haslowskej bróžni. Přinošk wučinja 22 eurow za šulerjow, studentow a wučomnikow, za tych, kotřiž hižo sami zasłužeja, pak 27 eurow. W přinošku su zapřijate jězba z busom, swačina a wječer, jězba z čoľmom a reje w Haslowje. Wjeselimy so na Tebje!

Dekanatne dušepastyrstwo za młodžinu a kružk

Młodžina z biskopstwa zetka so we Wechselburgu

Wulke młodžinske zetkanje Drježdžansko-Mišnjanskeho biskopstwa budže wot pjatka do soboty, 16. do 17. septembra, w benediktinskim klóštrje we Wechselburgu. Wobdžělnikow wočakuje super atraktiwny, spirituelný, wotměnjawy, kreatiwny a hudźbny program. Zajimcy ze serbskich wosadow měli so hač do wutory, 6. septembra, w dekanatnym dušepastyrstwje za młodžinu we Worklecach, telefonowe čisło (03 57 96) 9 55 95, přizjewić. Zdobom měli při tym hižo zdžělic, hač bychu so jeničce pjatk abo na woběmaj dnjomaj wobdžělic chcyli.

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprošuje tež lětsa na wosebity nyšpor domchowanki z požohnowanjom konjacych zapřahow. Tutón budže njedzeli, 25. septembra, w 14 hodź. w Chrósćicach na luce při Hatkach. Wšitcy su wutrobnje přeprošeni.

Zhromadny dzeń na Kukowskim hrodzišću

Dekanatne dušepastyrstwo přeprašuje džěci 5. a 6. lětnika sobotu, 10. septembra, wot 9.00 do 15.00 hodź. na Kukowske hrodzišće. Zajimcy njech so prašu hač do wutory, 6. septembra, pod telefonowym čislom (03 57 96) 8 87 07 we Worklecach přizjewja. Za wudawki dnja zběra so wot kóžděho wobdžělnika přinošk, kotryž wučinja štyri eura.

Zhromadny dzeń za 3. a 4. lětnik

Dekanatne dušepastyrstwo přeprašuje džěci 3. a 4. lětnika sobotu, 24. septembra, wot 9 do 15 hodź. do Don Boskoweho domu we Worklecach. Zhromadny dzeń šulerjow změje hesło „Swjeć swjedženje!“ Zajimcy njech so prašu hač do wutory, 20. septembra, pod telefonowym čislom (03 57 96) 8 87 07 we Worklecach přizjewja. Za wudawki dnja zběra so wot kóžděho wobdžělnika přinošk, kotryž wučinja štyri eura.